



Erfalasoqarneq pillugu suliasaqarfiup Kalaallit Nunaanni Namminersorlutik Oqartussanit tiguneqarnera pillugu Naalakkersuisut qallunaallu naalakkersuisuisa akornanni isumaqatigiissut

Tunngaviusumik inatsisip aamma Kalaallit Nunaanni Namminersorneq pillugu inatsisip tamanna periarfissippassuk, erfalasoqarneq pillugu suliasaqarfiup tigunissaa pillugu Naalakkersuisut qallunaat naalakkersuisui noqqaassuteqarfigisimavaat. Tamanna tunngavigalugu Kalaallit Nunaanni Namminersorneq pillugu inatsimmi § 4-mut naapertuuttumik Naalakkersuisut aamma qallunaat naalakkersuisuisa Kalaallit Nunaanni Namminersorlutik Oqartussat erfalasoqarneq pillugu suliasaqarfimmik tigusinissaat pillugu isumaqatigiinniarnert naammassisimavaat.

Isumaqatigiinniarnert tunuliaqutaralugit matumuuna erfalasoqarneq pillugu suliasaqarfiup Kalaallit Nunaanni Namminersorlutik Oqartussanit tiguneqarnissaa Naalakkersuisut aamma qallunaat naalakkersuisuisa isumaqatigiissut isumaqatigiissutigaa.

Tigusinermi kalaallit erfalasuata, Erfalasarput, ilusilersorneqarnera pillugu malittarisassat, Kalaallit immikkut erfalasuut pillugu inatsimmi nr. 222-imi, 6. juni 1985-imeersumi, §§ 1-imi aamma 2-mi massakkut malittarisassiuunneqartoq, kiisalu Kalaallit Nunaanni nunat allat erfalasuia, kisianni Dannebrogiumngitsup imaluunniit Merkið-iunngitsup, atorneqarnerat pillugit malittarisassat ilaatinneqarput.

Kalaallit Nunaanni Namminersorlutik Oqartussat erfalasoqarneq pillugu suliasaqarfimmik tigusinerannut killiliussat erseqqinnerusut, Namminersorlutik Oqartussat erfalasoqarneq pillugu suliasaqarfimmik tigusinerannut atatillugu ataatsimoorussamik nalunaarummi 13. januar 2026 ullulernerqartumi ilanngunneqartumi aalajangersarneqarput.

Tigusinerup kingorna, erfalasoqarneq pillugu suliasaqarfimmi qanittumik suleqatigiinnerup attatiinnarneqarnissaa, Naalakkersuisut qallunaallu naalakkersuisuisa isumaqatigiissutigaa.

Kalaallit Nunaanni Namminersorlutik Oqartussat erfalasoqarneq pillugu suliasaqarfimmik tigusinerannut atatillugu ataatsimoorussamik nalunaarut 13. januar 2026 ullulernerqartoq aamma Kalaallit Nunaata erfalasoqarneq pillugu suliasaqarfimmik tigusinissaata piareersarneqarneranut



atugassaq Inatsiseqarnermut ministereqarfiup allakkiaa 10. august 2025 ullulerneqartoq, ilanngussatut ilanngunneqarput.

København, ulloq 13. januar 2026

Jens-Frederik Nielsen
Naalakkersuisut Siulittaasuat

Peter Hummelgaard
Inatsiseqarnermut ministeri